

25.09.2024

UKA2024/37

**Inuussutissarsiutigalugu aalisartut, inuussutissarsiutigalugu piniartut inuussutissarsiutigalugulu nunalerinermik ingerlataqartut aallarteqqinnissamut tapiiffigineqartarnerat pillugu inatsisartut inatsisaata allanngortinnera pillugu Inatsisartut inatsisaat (Silap pissusianik pissuteqartumik ajornartorsiornerni ajunaarnersuarnullu assingusuni pisuni aallarteqqinnissamut tapiissutisisinnaaneq, akiliutigineqartartut qaffanneri kiisalu qinnuteqarnermi piffissaliussat eqqunneqarneri).**

**(Aalisarnermut Piniarnermullu Naalakkersuisoq)**

Siunnersuummut soqutiginartumut Siumumiik imatut oqaaseqaateqassuugut:

Ilisimavarput ukiut nalaatavut tassaammata silap pissusiata annertuumik allanngorfii,tamanna nalaataq annertuuunik assigiinngitsutigut eqquisartoq ilisimaaraarput,taamatullu pisoqartarnera suli ukiuni aggersuni pisarnissaa naatsorsuutigisariaqartoq unammilligassanillu assigiinngitsunik malitseqartarumaartoq naatsorsuutigisinnaagatsigu

Siusinnerusukkut ilisimasatsituut sila unerismanerujussuusarpoq,inuit silamut tunngatillugu soqutigisaqartut misilittagartuullu uniorpallaaratik siumugaaq silap qanoq issinnaaneranik siulittuisinnaasartut nalannikuuagut,tamanna pissuseq ujarianartoq ajoraluartumik ukiuni kingullerni atussallugu naleqqukkunnaarsimasoq oqariartutigineqartalerpoq ,tamaattumillu ukiorpassuarni ileqkoq eriaginartoq sapangikkiartorneqalersimasoq takusinnaallutigu

Silaannaap allanngornera aammattaaq nunalerinermik ingerlataqartunut unammillernartumik malitseqartartoq ilisimavarput,ilaatigut naatinsinerit iluatsitsiviuallaanngitsut tusartarpagut,aammalu silap allanngupiloortarnera unammilligassanut assigiinngitsunut annertuumik sunniuttartoq tusartarlutigu,tamanna uggornarpoq tassami annerusumik nunatta iluani pilersornerulernissarput anguniagaraarput,taamatullu anguniagaqarnitsinni sapinngisamik nunalerinermik ingerlataqartut ajornartorsiutaasa siunertamut inatsimmi pineqartumuit naatsorsuussaasut eqqarsaatigalugit kalluarneqarpata inatsit aallaavigalugu suliniutit qaagiiniarnermk siunertaqartut iluarsiivigineqartarnissaat pisariaqartut annertuut ilagilluinnaraat isumaqarficalutigu

Inatsisisatut siunnersuummi aallarteqqinnissamut tapiissutigineqarsinnaasut qaffaateqarsimanerat tunngaviatigut iluarismaarparput,tassami pingaartumik isorliunerusuni ulluinnarni atukkatigut akitsoriartupiloortoqarpoq,taamaasillunilu ulluinnarni nioqqutissat pinngitsoorneqarsinnaanngitsut annertuumik akitsorlutik,tamanna aningaasat

pisissutaasinnaanerata naliganut annertuumik appariaateqarnermik kinguneqarsimasoq takusinnaavarput taamaattumillu pitsasumik naleqqussarnertut isigalutigu

Inatsit tunngavimmigut annertunerusumik qassutaarsernernut attumanerusoq oqaatigineqarpoq,aammali llatigut atorluarneqarsinnaasoq takusinnaavarput soorlui;

Napparsimanerup nalaani inuussutissassiumik ingerlatsiffiunngitsumi upernarsaateqarnikkut periarfissap piunera,aammalu orsussap akiata qaffapiloorsinnaanerata sillimaffigneqarnera,minnerungitsumillu qimminut nerukkaatissaqarnerup isiginiarneqarnera iluarisimaarpalput,ilisimavarpummi ulluinnarni qimminut nerukkaatissat nioqqutigineqartut ukiuni kingullerni annertuumik akitsupiloorsimammata ilaatigut pingaartumillu piniarnerinnarmik inuutissarsiuteqartunut annertuumik aningaasaqarnikkut unamminartumik pilersitsiffiusarnerat piusoq ilisimaarigatsigu taamaasillunilu periarfissap arlaagut atorluarneqarsinnaanera takusinnaagatsigu naammagisimaanerinnilluta

llanngulluguttaaq oqaatigissuarput pingaaruteqarmat sillimmasiisarnerup annerusumik inuutissarsiortuniit atorneqarnerunissa pisariaqarmat,tassami allatigut atortutigut annaasaqarnermi periarfissat pitsaanerusrerat piusartoq sillimmasiisimanikkut tunngavissaqartarnerusoq oqaatigisinnaagatsigu

Naggataagut uani inatsimmi inuutissarsiuteqartut ataqqinartut ullormiit ullormut ilungersorlutik inuutissarsiumminnik ingerlatsisut Siumumiit tapersersortuarnissaat pingaartilluinnagaraarput,arlaagullu pitsaanerusumik periarfissarsiuunneqartarnissaat suliniutaajuassasut partiitsinniit suleqataaffigiurnissaat oqaatigissallugu

Taamatut oqaaseqaateqarluta siunnersuut aalisarnermut piniarnermut ataatsimiitaliamut ingerlateqqipparput suliarilluarneqarnissa innersuullugu

[Jens Kristian Therkelsen, Siumut]